



Concello de Lourenzá

ACTA

Expediente núm.	Órgano Colexiado
PLN/2024/11	El Pleno
DATOS DE DESENVOLVEMENTO DA SESIÓN	

Tipo Convocatoria:

Extraordinaria

Motivo: «CUMPRIMENTO PRAZOS LEGAIS»

Data: 30 de xullo de 2024

Duración:

Dende as 11:03h ata as 11:17h

Lugar:

Salón de Sesións

Presidida por:

ROCIO LOPEZ GARCIA

Secretario:

ANA BARREIRO GOMEZ

ASISTENCIA Á SESIÓN		
Núm. de identificación	Nome e Apelidos	Asiste
33861773T	BELEN FANEGO BARREIRA	SÍ
76939624R	FRANCISCO JAVIER SUAREZ VAZQUEZ	NON
33321327P	JAVIER HUERTAS OTERO	SÍ
71865319W	MANUEL ARANGO RON	SÍ
33844382C	MARIO LEITÓN RAMALLAL	SÍ
77593740C	Mercedes Dengra Sixto	SÍ
33306541B	REMEDIOS GALLO FERNÁNDEZ	NON
34636672Y	ROBERTO DÍAZ EXPÓSITO	SÍ





Concello de Lourenzá

76580879X	ROCIO LOPEZ GARCIA	SÍ
77594453C	SANDRA GÓMEZ MARADONA	SÍ
33549271E	SONIA GAVINO REIGOSA	SÍ

Escusas de asistencia presentadas:

1. REMEDIOS

GALLO

FERNÁNDEZ:

«TRABALLO»

Unha vez verificada polo secretario a válida constitución do órgano, o presidente abre a sesión, polo que se procede á deliberación sobre os asuntos incluídos na orde do día.

A) PARTE RESOLUTIVA	
CONVENIO DE COLABORACIÓN PARA A XESTIÓN COMPARTIDA- AGRUPACIÓN DE CONCELLOS DO SERVIZO DE ATENCIÓN TEMPERÁ NO MARCO DA REDE GALEGA DE ATENCIÓN TEMPERÁ	
Favorable	Tipo de votación: Unanimidade/Asentimento

Resolución:

Pola Alcaldía informase que, o contido do dito Convenio era similar ao dos anos anteriores e que se fai encomenda ao Concello de Mondoñedo para a súa xestión e que se ciñe ao que dí o Convenio que quedaría vixente ata o 31 de outubro de 2026 e que o reparto orzamentario será o sinalado no anexo e 1000€ anuais por Concello.

Asimesmo a portavoz do BNG, D^a Belén Fanego pregunta a canto ascende o custo total do servizo.

Ao que responde a Alcaldesa que dende o Concello de Lourenzá só se fai a encomenda de xestión ao Concello de Mondoñedo que só sabemos a aportación que cada Concello fai.

A Sra. Fanego pregunta tamén qué disciplinas profesionais están dispoñibles e cales están cubertas para o desenrolo de dito convenio, así como o horario que se presta e cal é o criterio que se se segue para participar, en base a que se fai para a participación dos usuarios e cantos usuarios hai.

D^a Rocío López García responde que todas as necesidades que veñen descritas no convenio están cubertas, que hai un mínimo de 3 profesionais que atenden





Concello de Lourenzá

este servizo e 3 ou 4 usuarios e que nunca houbo ningunha queixa, e en canto ao custo que supón indica que sempre o xestionou o Concello de Mondoñedo.

Coñecido polo tanto o contido do Convenio, O Pleno , por unanimidade dos nove concelleiros presentes na sesión, sendo o seu número legal de once, ACORDA: PRIMEIRO.- Aprobar nos termos nos que está redactado e se transcribe a continuación, o CONVENIO DE COLABORACIÓN MARCO PARA A XESTIÓN COMPARTIDA-AGRUPACIÓN CONCELLOS DO SERVIZO DE ATENCIÓN TEMPERÁ NO MARCO DA REDE GALEGA DE ATENCIÓN TEMPERÁ, sendo o seu contido o que segue:

“CONVENIO DE COLABORACIÓN PARA A XESTIÓN COMPARTIDA-AGRUPACIÓN DE CONCELLOS DO SERVIZO DE ATENCIÓN TEMPERÁ NO MARCO DA REDE GALEGA DE ATENCIÓN TEMPERÁ

No Concello de Mondoñedo, a 11 de xullo de 2024

REUNIDOS

Os/as Sres. e Sras. alcaldes/-as dos seguintes Concellos
Mondoñedo, don Manuel Angel Otero Legide

Abadín, don José María López Rancaño,

Barreiros, dona, Ana Belén Ermida Igrexas,

Lourenzá, dona. Rocio López García

Pastoriza, don Darío Cabaneiro Santomé,

Riotorto, don Clemente Iglesias González,

Trabada, don Rubén García Freije

A Pontenova, don Dario Campos Conde

Pol, don Lino Rodríguez Ónega

Meira, don Antonio De Díos Álvarez

Actuando todos/-as en nome e representación do seu referido Concello e no exercicio do seu cargo, en virtude do disposto no artigo 21 da Lei 7/1985, do 2 de abril, reguladora das bases de réxime local (LBRL) e artigo 61 da Lei 5/1997, do 22 de xullo, reguladora da Administración local de Galicia (LALGA) e recoñecéndose mutuamente plena capacidade para obrigarse nos termos do presente Convenio,

Concello de Lourenzá

Prza. do Conde Santo-Vilanova , s/n, Lourenzá. 27760 (Lugo). Tfno. 982121006. Fax: 982121506





Concello de Lourenzá

EXPOÑEN

PRIMEIRO.A Lei 7/1985, do 2 de abril, Reguladora de Bases de Réxime Local no seu artigo 25 establece que o Municipio, para a xestión dos seus intereses e no ámbito das súas competencias, pode promover toda clase de actividades e prestar cantos servizos públicos contribúan a satisfacer as necesidades e aspiracións da comunidade veciñal. O Municipio exercerá en todo caso, competencias, nos termos da lexislación do Estado e das Comunidades Autónomas.

O artigo 80 da Lei 5/1997, do 22 de xullo, reguladora da Administración Local de Galicia, regula que o municipio, para a xestión dos seus intereses e no ámbito das súas competencias, poderá promover toda clase de actividades e aspiracións da comunidade de veciños. O municipio exercerá, en todo caso, competencias nos termos da lexislación do Estado e da Comunidade Autónoma, entre outras, en materia de prestacións de servizos sociais.

SEGUNDO.De acordo co disposto no artigo 11 da Lei 40/2015, do 1 de outubro, de réxime xurídico do sector público, existe a posibilidade de realización de actividades de carácter material ou técnico da competencia dos órganos administrativos dun concello por encomenda a outros concellos cando existan razóns de eficacia ou cando non se posúan os medios técnicos idóneos para o seu desempeño.

TERCEIRO.No artigo citado no punto anterior, establécese que a formalización da encomenda de xestión debe realizarse mediante a sinatura do correspondente convenio.

CUARTO. No Decreto 183/2013, do 5 de decembro, polo que se crea a Rede galega de atención temperá reflíctese no seu artigo 3 entre os principios reitores o de descentralización e proximidade: achegamento eficiente do servizo ás persoas destinatarias implementando, sempre que sexa posible, actuacións de base comunitaria para a inclusión social, entendendo os servizos sociais comunitarios como o primeiro nivel de intervención do sistema galego de servizos sociais. En consecuencia, o ámbito municipal, pola súa proximidade á cidadanía e polo coñecemento da situación específica da súa poboación recoñécese como o idóneo para o desenvolvemento deste tipo de servizo.

QUINTO. A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, é





Concello de Lourenzá

necesario impulsar medidas relativas á xestión eficaz e eficiente dos recursos dispoñibles, co obxecto de poder continuar prestando ou prestar os servizos aos cidadáns en condicións de calidade e que satisfagan as súas necesidades, sendo preciso minimizar custos e xestionar de forma compartida as actuacións públicas. A prestación dos servizos públicos, o seu fomento e a promoción das actividades esixe un elevado custo, tanto de instalación, adquisición coma de funcionamento e xestión que fai necesaria a colaboración entre distintas administracións locais, coa finalidade de poder prestar aos veciños unha actividade e un servizo que na actualidade se considera imprescindible como medio de mellora nas relacións cos mesmos.

SEXTO. Neste sentido, é preciso optimizar os recursos económicos das administracións locais mediante fórmulas innovadoras que permitan a xestión compartida na prestación dos servizos públicos que neste caso se concreta no presente convenio de prestación do servizo/s de forma e maneira que o impacto da crise económica nos servizos públicos sexa menor e os resultados da posta en común dos recursos minimicen a crítica situación económica dalgúns concellos.

SÉTIMO. Tanto a LRBRL como a LALGA e a Lei 40/2017, do 1 de outubro, de réxime xurídico do sector público, recollen ao longo do seu articulado o principio xeral de colaboración interadministrativa.

OITAVO. Por todo o anterior, na actual situación de crise económica, a xestión compartida de servizos configúrase como única solución para prestar ou continuar prestando determinados servizos públicos, polo que os concellos asinantes ACORDAN a XESTIÓN COMPARTIDA do SERVIZO DE ATENCIÓN TEMPERÁ NO MARCO DA REDE GALEGA (Decreto 183/2013, do 5 de decembro, polo que se crea a Rede galega de atención temperá), mediante o presente convenio segundo as seguintes

CLÁUSULAS

PRIMEIRA. Obxecto.

O obxecto do presente convenio é fixar ás principais liñas de colaboración, así como a coordinación, dirección, xestión, financiamento, organización e funcionamento do Servizo de Atención Temperá, sendo encomendada ao Concello de Mondoñedo, para a súa prestación de forma integral nos termos da Orde da Consellería de Política Social da Subvención para prestar o Servizo de Atención Temperá no marco da Rede Galega de Atención Temperá (Decreto





Concello de Lourenzá

183/2013, do 5 de decembro, polo que se crea a Rede Galega de Atención Témpora) que se prestará de forma compartida entre os concellos sinalados anteriormente, cuxos alcaldes asinan o presente documento.

SEGUNDA. Ámbito territorial

O ámbito territorial da xestión compartida do servizo será o correspondente aos concellos sinalados neste documento.

TERCEIRA. Obxectivo de colaboración

O presente convenio baséase no principio xeral de colaboración interadministrativa, para a efectividade da coordinación e eficacia administrativa, que se concreta en:

- Posibilitar na actual situación de crise económica a prestación dun servizo público
- Prestar de forma eficaz e eficiente o servizo público
- Minorar os custos antieconómicos da prestación
- Garantir o acceso dos veciños a uns servizos públicos de calidade mediante unha oferta de recursos suficiente e equilibrada
- Dar resposta ás necesidades da poboación mediante unha axeitada planificación previa
- Valorizar os recursos dispoñibles.

CUARTA. Xestión Compartida do Servizo

A xestión do servizo será realizada polo concello de Mondoñedo e incluírá todo o relacionado coa xestión do servizo: aspectos materiais, técnicos ou de servizo (sexa tramitación administrativa, instalación, reparación e mantemento de infraestruturas, xestión de persoal, xestión de axudas, etc.).

Esta encomenda non supón cesión da titularidade da competencia nin dos elementos substantivos do seu exercicio, sendo responsabilidade do concello encomendante ditar cantos actos ou resolucións de carácter xurídico dean soporte ou nos que se integre a concreta actividade material obxecto da encomenda.

Condicións concreta das condicións de prestación do servizo:

- O obxecto do servizo de atención temperá estará exclusivamente integrado polo





Concello de Lourenzá

conxunto de intervencións dirixidas á poboación infantil de 0 a 6 anos, a súa familia e o seu contorno, co obxectivo de dar resposta o antes posible ás necesidades transitorias ou permanentes que presentan os nenos e as nenas con trastornos no desenvolvemento ou en risco de padecelos, para facilitar o desenvolvemento da súa autonomía persoal e a inclusión social. A atención estenderase ata a data de finalización do curso escolar cando o cumprimento da idade de 6 anos sexa anterior a esta.

•Respecto do equipo humano de traballo encargado da prestación:

1.Contará cun mínimo de 3 integrantes.

2.Será interdisciplinar, e estará integrado por profesionais diferentes de entre os seguintes graos: pedagogía, psicopedagogía, psicoloxía, logopedia, traballo social, educación social, terapia ocupacional, maxisterio, enfermería, fisioterapia e medicina. O persoal deberá de estar especializado en desenvolvemento infantil e atención temperá e/ou en apoio familiar , ou acreditar experiencia suficiente nestas materias para a realización das súas funcións.

•De acordo co establecido no Decreto 149/2013, do 5 de setembro, polo que se define a carteira de servizos sociais, para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo, os servizos de atención temperá deberán comprender as prestacións de:

1.Diagnose e valoración dos trastornos de desenvolvemento dos/das nenos/as.

2.Desenvolvemento psicomotor.

3.Desenvolvemento cognitivo.

4.Desenvolvemento da linguaxe e comunicación.

5.Desenvolvemento da autonomía.

6.Desenvolvemento da área social e afectiva.

7.Apoio, información, habilitación e formación da familia.

•A prestación do servizo deberá realizarse en horario de mañá e, un mínimo de catro días á semana, en horario de tarde.

Este convenio abrangue tamén a posibilidade de contratación por un dos concellos, na forma que se sinala, de todas as actividades ou prestacións





Concello de Lourenzá

necesarias para o funcionamento e xestión do servizo compartido, actuando como órgano de contratación de acordo co artigo 116.5 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, no que se regula o financiamento dos contratos con achegas de distinta procedencia de tal xeito que se tramitará un só expediente de contratación polo concello ao que corresponda a adxudicación do contrato, debendo acreditarse naquel a plena dispoñibilidade de todas as achegas e determinarse a orde do seu pagamento.

QUINTA.- Subvencións e axudas

Para a xestión do servizo ACÓRDASE a solicitude de subvención convocadas pola administración autonómica.

Para os efectos de formular solicitude de acordo co disposto na orde, reflíctense no ANEXO, as condicións concretas, os compromisos de execución asumidos por cada concello asinante, de acordo coas condicións da xestión establecidas ou as que especificamente se acorden, así como o importe de subvención a aplicar por cada un deles, así como o nomeamento do representante único dos concellos convenientes, con poderes suficientes para cumprir as obrigas que, como beneficiario, corresponden aos concellos asinantes.

SEXTA. Financiamento

Os concellos comprométense a garantir un financiamento suficiente e estable para unha eficaz e eficiente prestación do servizo asociado. Para este efecto habilitarán as aplicacións orzamentarias necesarias, en consonancia co orzamento presentado.

O reparto orzamentario será o sinalado no anexo e 1000 EUROS ANUAIS POR CONCELLO.

Os concellos deberán transferir a cantidade que lle corresponda ao concello que realiza a xestión ordinaria

SÉTIMA. Causas de resolución

O presente convenio resolverase:

- a) Denuncia unilateral con preaviso de tres meses ou mutuo acordo
- b) Por incumprimento total ou parcial dalgunha das estipulacións que o regulan





Concello de Lourenzá

c) Polo vencemento do prazo de vixencia

No caso de resolución do convenio, cada concello recuperará os medios persoais e materiais adscritos ao desenvolvemento deste.

OITAVA. Vixencia do convenio

O presente convenio entrará en vigor ao da súa sinatura e estenderá a súa vixencia ata/por 31 de outubro do 2026, e ata que transcorra o prazo establecido no artigo 8.3 da Lei 9/2007, do 13 de xuño.

NOVENA. Natureza do Convenio

O presente convenio ten natureza administrativa e as discrepancias que xurdan pola súa aplicación será resoltas pola comisión de seguimento quedando as partes suxeitas á xurisdición contencioso-administrativa para resolución de calquera conflito que puidese xurdir na súa aplicación.

DÉCIMA . Normativa aplicable

En todo o non previsto expresamente polo presente convenio estarase ao disposto na lexislación aplicable segundo a materia obxecto do convenio.

DÉCIMO PRIMEIRA. Xurisdición competente

Os conflitos que se susciten en desenvolvemento do presente convenio serán coñecidos, en primeira instancia, pola Comisión Mixta, en caso de non chegar a un acordo, as partes someterán as cuestións litixiosas ao coñecemento dos tribunais da orde xurisdicional contencioso-administrativa.

En proba de conformidade co expresado neste convenio, asínase polas partes comparecentes, por triplicado exemplar, e para un só efecto, no lugar e data que se sinalan na cabeceira.

Alcalde do Concello de Mondoñedo Asdo. Manuel Ángel Otero Legide	Alcaldesa do Concello de Barreiros Asdo. Ana Ermida Igrexas
Alcaldesa do Concello de Trabada Asdo. Rubén García Freije	Alcalde do Concello de Abadín Asdo. José María López zRancaño
Alcalde do Concello de A Pastoriza Asdo. Darío Cabaneiro Santomé	Alcalde do Concello de Riotorto Asdo. Clemente Iglesias González
Alcaldesa do Concello de Lourenzá Asdo. Rocío López García	Alcalde do Concello de A Pontenova Asdo. Darío Campos Conde

Concello de Lourenzá





Concello de Lourenzá

Alcalde do Concello de Pol Asdo. Lino Rodríguez Ónega	Alcalde do Concello de Meira Asdo. Antonio De Dios Álvarez
---	--

ANEXO

ACORDO sobre solicitude de subvención para a concesión ás entidades locais da Comunidade Autónoma de Galicia para a prestación de servizos no marco da Rede galega de atención temperá, nos termos que figuran nos puntos seguintes, así como aceptar as condicións e requisitos establecidos na normativa aplicable e comprometerse a cofinanciar aquela:

Concello designado para a xestión e xustificación da subvención segundo o previsto na cláusula Cuarta		Concello de Mondoñedo
Representante para os efectos de presentación das solicitudes de subvención, coordinación e interlocución coa Consellería de Política Social		Manuel Ángel Otero Legide, con DNI N ^o 76563115W
Porcentaxe de subvención que corresponderá a cada un dos integrantes:		
Concello	Compromisos de execución	Porcentaxe de subvención que lle corresponderá
Mondoñedo	100%	10%
Trabada		10%
Riotorto		10%
Lourenzá		10%
Abadín		10%
Barreiros		10%
A Pastoriza		10%
A Pontenova		10%

Concello de Lourenzá

Prza. do Conde Santo-Vilanova , s/n, Lourenzá. 27760 (Lugo). Tfno. 982121006. Fax: 982121506





Concello de Lourenzá

Pol		10%
Meira		10%
Total	100%	100%

SEGUNDO.- Achegar certificación do presente acordo ao Concello de Mondoñedo para o seu coñecemento e efectos oportunos.

TECEIRO.- Facultar a Sra. Alcaldesa, D^a Rocío López García, para a xestión de trámites e sinatura de documentos que sexan necesarios para a execución do presente acordo.

Expediente 330/2024. FIXACIÓN FESTIVOS LOCAIS 2025.	
Favorable	Tipo de votación: Unanimidade/Asentimento

Resolución:

A Señora Alcaldesa informa que, é necesario fixar os dous días de festas locais antes do vindeiro día 15 de setembro do ano en curso, á vista do escrito de data 12 de xullo, código núm EM-A12033372 Asunto: "Calendario Laboral para o ano 2025", achegado pola Xefatura Territorial de Lugo-Servizo de Emprego, Relacións Laborais, Traballo Autónomo e Economía Social, referente á elaboración do Calendario Laboral para o ano 2024 na Comunidade Autónoma de Galicia, para o que se achega a relación dos días sinalados como festivos autonómicos ou de ámbito estatal. E propón o Pleno da Corporación fixar como Festas Locais para o vindeiro ANO 2025 no termo municipal de Lourenzá, as seguintes datas:

4 DE MARZO 2025	MARTES DE ENTROIDO
1 DE SETEMBRO 2025	LUNS DO CONDE SANTO

O portavoz do PP, D^o Roberto Díaz Expósito fai unha suxerencia, que sería bo facer unha enquisa aos comerciantes sobre todo co Martes de Entroido, xa que na maioría dos sitios non é festivo e ao mellor se podía cambiar por outro día para o seguinte ano.

A Sr. Alcaldesa engade que, xa noutro mandato se cambiara e que houbera moitas protestas por parte dos comerciantes.

Terminado o debate, o Pleno da Corporación cos votos a favor dos seis concelleiros do PSdeG-PSOE e os dous do PP e absténdose a concelleira do BNG, Acorda:





Concello de Lourenzá

1.-Fixar como Festas Locais para o vindeiro ANO 2025 no termo municipal de Lourenzá, as seguintes datas :

4 DE MARZO 2025	MARTES DE ENTROIDO
1 DE SETEMBRO 2025	LUNS DO CONDE SANTO

2. Remitir certificación do presente Acordo á Xefatura Territorial de Lugo-Servizo de Apoio ao Emprego, Emprendemento e Economía Social da Consellería de Emprego e Igualdade, para o seu coñecemento e efectos oportunos.

DOCUMENTO ASINADO ELECTRONICAMENTE

